

17 NOV 1998

APEC-BERITA-MAJLIS MAKAN MALAM/I

PEMIMPIN APEC DIRAIKAN DI MAJLIS MAKAN MALAM

KUALA LUMPUR, 17 Nov (Bernama) -- Pemimpin-pemimpin 21 ekonomi lingkaran Pasifik yang berkumpul di sini bagi Sidang Kemuncak Kerjasama Ekonomi Asia-pasifik (Apec), menghadiri majlis makan malam yang diraikan oleh Perdana Menteri Datuk Seri Dr Mahathir Mohamad sebagai tuan rumah, malam ini.

Majlis makan malam itu diadakan di Mandarin Oriental Hotel berdekatan bangunan menara tertinggi di dunia, Menara Berkembar Petronas di sini.

Pemimpin-pemimpin itu termasuklah Perdana Menteri Jepun Keizo Obuchi, Presiden Indonesia B.J. Habibie dan Naib-Presiden AS Al Gore yang dikritik dengan hebat oleh masyarakat Malaysia berikutan sokongannya terhadap tunjuk perasaan dalam kenyataannya di majlis makan malam perniagaan semalam.

Habibie kelihatan memakai tali leher bersama songkok di dalam majlis itu.

Sidang Kemuncak dua hari itu bermula hari ini dengan dialog antara pemimpin-pemimpin dengan Majlis Penasihat Perniagaan Apec (Abac).

Esok, pemimpin-pemimpin itu akan berangkat ke Cyberjaya, bandar pintar pertama Malaysia untuk beristirehat di mana perbincangan dijangka menumpukan antara lainnya, krisis kewangan Asia dan cara-cara untuk mengukuhkan sistem dagangan global.

-- BERNAMA

MAM ZK MA